

Your address for the best software and support.

VCC
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

M-Files **intuit** **Exact software** **Payroll Pro** **Commence**

Tel.: 583-7072 | info@vcc-int.com | www.vcc-int.com



GRATIS

AWE

Mainta



le corant di Toko



DAMA DI HUSTICIA
RIBA PLASA
WILLEM DE ZWIJGER

Artista Ciro Abath, creador di Dama di Husticia riba plasa Willem de Zwijger

‘Esaki ta representa un incentivo di Gabinete Mike Eman II pa arte haya su luga den comunidad’



DAMA di Husticia a keda devela dialuna ultimo na plasa Willem Zwijger. E obra di arte aki tabata creacion di e artista local y conoci Ciro Abath. Hopi a conoce Sr. Abath den pasado como docente di arte na Colegio Arubano. E talentoso artista local a percura pa incorpora hopi elemento cu ta representa e identidad Arubiano den e obra di arte. Cu su develo dialuna mainta, Gabinete Mike Eman II a habri oficialmente Willem de Zwijgerplein oficialmente completando asina e trabou di renobacion di e espacio publico aki den Oranjestad.

Un proceso largo, di rond di un aña y mey, despues cu e artista a keda asigna como esun encarga, a sigui pa intercambia idea cu Monumentenbureau y Ministerionan di Infrastructura y Cultura. Abath a profundisa su mes riba e topico di husticia, dama di husticia y con otro artistanan a maneha e mesun tema pa finalmente presenta su idea.

‘E diseño cu mi a kies pe ta uno clasico, realistico, haciendo uzo di nos hendenan local den su semblanza. E ta un dama husticia cu e caracteristicanan di un Arubiano y cu otro característica integra manera, e coral, cololishi, etc.; y ta duna un idea di con nos biento ta supla su paña, etc.’ e artista a comenta. E diseño ta basa riba piedra, brons y glas, cual ultimo, Abath tin hopi conocimiento di dje. Tambe el a haya cooperacion di artistanan na Hulanda.

El a comenta adicionalmente cu e estatua no ta rekeri hopi na mantencion ya cu e brons, por ehempel, ta un elemento cu mester dune tur su tempo pa e adapta na e

clima. El a pidi pa dun’e un tratamiento di patina cu ta duna un capa blanco a base di un reaccion kimico. ‘E parti den dje di glas tambe ta keda OK paso tin LED lamp den dje seya, dus awa no por yega na e parti paden. E ta traha riba ‘timer’; anochi e luz ta sende y ta duna otro aspecto,’ Abath a splica.

E artista ta reconoce cu e ta sinti masha orguyoso di por a keda selecta pa haci e trabou aki. E ta comparti e importancia cu su coleganan indicando cu esaki ta representa un incentivo cu Gabinete Mike Eman II ta duna pa arte haya su luga den comunidad. ‘Esey ta hopi importante. Cu e artistanan local ta haya oportunidad di pone nan creacionnan na luganan publico,’ el a expresa.

Abath a sigui comenta cu ta un punto hopi importante pa Gobierno gara bon y plania riba dje paso un obra di arte na un luga publico cu a wordo renoba ta duna un imagen di con nos hendenan ta mira nan cultura, con nan ta pensa y ta expresa nan mes. ‘Bo no por yega planta un obra di arte for di Miami aki, laga un artista pens’e for di su cultura y trahe,’ tabata e palabranan di e artista.

Gabinete Mike Eman II ta invita pueblo di Aruba pa bishita Willem de Zwijgerplein dilanti di Corte di Husticia na Oranjestad y disfruta di su diseño, ambiente y tambe e escultura di Ciro Abath. Anochi tanto e blinddoek como otro partinan di e plasa ta ilumina creando asina un esfera masha agradabel, ademas di un sinti di seguridad. E plasa ta ideal pa hendenan por sinta combersa, muchanan chikito por schaats of core bicicleta.